

և ոչ երբէք լիցի տունն զինու պակասագոյն քանթէ քսան և չորս հազար թֆանգ և երկոտասան հազար թափանջայս, և վաթսուն հազար սուսերս, և եթէ գտցի պակաս՝ ազդ արասցես իշխանին քաղաքին անու և ստիպեսցես զի լցուցէ պակասութիւնն, և տուաք հրաման քեզ ստանալ ծախ պահպանութեան զինուց 'ի ձեռանէ իշխանէն անու, տալով նմայ ըստիտ որքանութեան ծախուն, և ամենայն զօրութենէ պահպանել ամենայն զէնս հաւատարմաբար զի կալով մնասցէ մաքուր և պատրաստ վասն գործոյ, զըուեցաւ 'ի զըունս և այլն:

Վկայեմք, որ ձեռնա-
դրեցին, կնքեցին և յան-
ձնեցին.

Ս. Տ. ○

Վ. Տ. ○

Գ. Տ. ○

Մ. Ի. ○

Մ. Գ. ○

Օրինակ նամակի վառհօդպետութեան:

Գ Լ Ո Ւ Խ Կ Է.

Տեսանելով մեր ընդունելութիւն ժողովրդեան աշխարհին արցախու և թուղթ փոխանորդութեան նոցայ ընդ քեզ, և 'ի վերայ երդման քոյ հաստատեցաք 'ի միտս մեր հաւատարիմ քոյ լինիլ տանն հայոց տուաք քեզ նամակ շնորհաց և պաշտօն վառհօդպետութեան ժամանակաւ ե-